

愚

齋

存

稿

愚齋存稿卷第九十七

電報補遺目錄

寄保定周玉山方伯

寄鄂督張香帥

北京袁慰庭宮保胡雲楣侍郎來電

寄開封錫清弼中丞良

寄太原岑中丞春煊

寄保袁宮保

保定袁宮保來電

寄開封錫中丞良

北京外務部來電

寄雲南魏制軍光燾李中丞經羲

江督劉峴帥來電

寄劉峴帥

北京王中堂來電

寄袁宮保

寄美京伍大臣

外務部來電

寄長沙黃花農廉訪

寄濟南周中丞馥

寄京外務部

寄順德袁宮保

北京外務部來電

彰德袁宮保世凱來電

寄武昌張宮保

護直督吳方伯重熹來電

寄津護督帥吳方伯

寄開封袁宮保

寄濟南周玉帥

寄津袁宮保

津袁宮保來電

寄津袁宮保

津袁宮保來電

寄津袁宮保

寄甯張宮保

南京張宮保來電

寄京慶親王

寄東撫周玉帥

江督張宮保來電

寄張宮保

寄京外部呈榮中堂王中堂

寄湖北端午橋制軍

寄西安升吉甫中丞

北京袁宮保來電

太原吳護院廷斌來電

寄滬呂大臣海寰伍大臣廷芳

上海吳大臣重熹來電

上海呂大臣海寰伍大臣廷芳來電

黃村袁宮保來電

開封張安帥人駿來電

寄滬道袁海觀察

寄太原吳中丞廷斌

寄江甯魏午莊制軍

寄滬袁道台

北京張香帥來電

寄天津袁宮保

寄汴撫張安圃中丞人駿

寄鄂督端午帥

寄開封陳小石中丞夔龍

山東周玉山中丞馥來電

寄甯魏制軍光燾

湖北端午橋制軍來電

寄武昌端午帥

寄浙撫翁小山中丞曾桂

北京外務部來電

寄北京張宮保

寄軍機處商部

寄粵督岑雲帥

寄京吏部張尙書百熙

寄京外務部

寄京張治秋尙書

寄外務部顧侍郎肇新

寄武昌端午帥

北京楊道文駿來電

寄京外務部電

寄甯魏鄂端閩李粵岑川錫滇丁各制軍

雲南于巡卿制軍振鐸來電

寄京袁慰庭宮保

天津袁宮保世凱來電

北京楊道文駿來電

又

寄北京陸伯夔侍郎

湖北端午帥來電

北京楊道文駿來電

又

武昌端午帥來電

開封陳中丞夔龍來電

南京魏午莊制軍來電

寄開封陳中丞夔龍

開封陳中丞夔龍來電

山東周玉山中丞馥來電

寄江甯魏午帥武昌端午帥廣州岑雲帥

寄開封陳中丞夔龍

蘇州恩藝棠中丞壽來電

汴撫陳小石中丞來電

寄北京外務部

外務部來電

四川將軍蘇瞻岱總督錫良等來電

浙撫聶中丞來電

天津袁宮保來電

北京外務部商部來電

寄開封陳中丞夔龍

汴撫陳小石中丞來電

寄開封陳中丞夔龍

武昌張宮保來電

寄江督魏午帥

蕪湖張香濤宮保來電

寄江甯黃方伯建筦

寄江甯魏午帥張香帥

寄江甯黃方伯轉呈魏午帥張香帥

寄武昌張制帥端撫帥

濟南周撫帥馥來電

寄北京外務部

廣州岑督帥春煊張撫帥人駿來電

天津袁慰庭宮保來電

寄天津袁宮保

寄太原張撫帥曾敷

寄江甯黃方伯建筦

北京楊彝卿觀察來電

北京外務部商部來電

寄武昌張宮保

寄江甯魏午帥端午帥

寄粵岑制台張撫台

武昌張香帥來電

北京外務部來電

寄外務部

廣州岑制軍來電

寄岑制軍

開封陳中丞夔龍來電

天津袁宮保來電

武昌張宮保來電

寄開封陳中丞夔龍

鄂督張宮保來電

開封陳中丞夔龍來電

寄廣州岑雲階制軍張安圃中丞

寄蘇撫端午橋中丞

寄武昌張宮保

寄江督端午帥

蘇州效護撫曾來電

寄美京梁大臣誠

萍鄉鐵大臣良來電

寄美使梁大臣

北京外務部來電

寄天津袁宮保世凱

寄美京梁大臣

湘撫端中丞方來電

愚齋存稿卷第九十七

電報補遺七十四

寄保定周玉山方伯

二月十六日

奉蒸電垂念深感弟喉愈尙難用心商約礙釐金七條  
英使催議並不願加稅如洋貨能抽十五土貨除絲茶  
外亦可加稅不出口者彼本不應管但彼恐釐局不撤  
盡進出口貨仍受釐害此事中國尙無定見英使近亦  
不議

寄鄂督張香帥

二月十七日

奉鹽電已飭柯道鴻年切實函諭沙多卽云如再堅執

豫省亦必令朱道回任於彼更無面子莫如趁早下台  
頃又奉篠電再電鄭道孝胥傳諭沙多查正月杪鄭道  
及王道福昌稟復曼伯事去夏香帥面詢沙多並命鄭  
道往商沙多有函力拒等語誠如鈞指工師權力氣燄  
不宜太過沙多拳匪後氣燄頗甚近又與北路孫道作  
對實屬可惡宜與曼伯世交豈肯縱容工師上年原議  
係請豫帥對調初不料其久閒也乞台端再飭鄭道傳  
諭沙多畏公德威當可凜遵

北京袁慰庭宮保胡雲楣侍郎來電

二月二十二日

承江電欣諭貴恙已愈慰甚關外路交還在卽事

關條款應令原派經手詹鄺兩員前往接收清理  
我不得遽派英員諒在鑒中況接詹鄺來電萍工  
將竣是該員等北來亦無妨礙以路而論孰輕孰  
重無待煩言我公夙顧大局務懇速賜改歸除電  
飭該員等迅速銷差趕回外乞鑒原盼復

寄開封錫清弼中丞良

三月十二日

鐵路近處開礦彼此有益惟錫樂士請開禹州煤礦尙  
未稟商敝處以後路礦各事請仍以敝處咨文爲憑以  
杜假冒

寄太原岑中丞春煊

三月十八日

歸化設綫大咨已飭局董會議惟運道旣艱購木亦難  
乞查明太原至歸化應過何府何縣爲宜計若干里中  
間可設電局幾處過河幾道沿途何處產木桿料每根  
約價若干運木極遠約須若干里謹候電示

寄保定袁宮保

四月初八日

頃據總工程司沙多參贊柯道鴻年電稱初六至初八  
保正一段發火三次第一次焚燬木料三堆每堆相隔  
二里同時發火初七早離新樂二十里焚去便橋一座  
初八早焚去洋石灰棧一所必係匪徒所爲除已電孫  
道面稟督憲外務懇憲台速電慰帥嚴辦否則必致驚

散路工等語前年匪亂起於鐵路今焚燬橋廠咫尺尊嚴膽敢如此星星之火恐致燎原務求迅飭防營會同地方官訪拏爲首加重懲辦並祈見復

保定袁宮保來電

四月初九日

前據孫道鍾祥稟新樂縣境焚燬木料二堆便橋一座當將該令記過並飛札查究嚴緝昨續據沙多柯道鴻年等電稟又焚燬料廠一所與電稟尊處相同當派營務處提調胡守駕林馳往查辦儻有匪徒縱火情事卽責成該守督同地方官緝獲嚴辦以示儆戒而重要工並電復沙多等知照矣

寄開封錫中丞良

四月二十一日

前奉卅電萬分欽佩卽轉商外務部接部復電云道口一路旣由豫省查明恐有妨礙擬改至楊樹灣地方應飭韓道商令柯瑞前往勘定希查照等語各國運礦鐵路皆屬以支附幹今福公司藉開礦造軌撇開幹路損我國家權利實非正理卽請尊處速照外務部復電並以違礙礦務第八條章程切實商駁盧漢幸甚大局幸甚

北京外務部來電

四月二十九日

巫山大甯銅鉛礦准由尊處派員帶同礦師前往

試挖本部已轉電川督查照矣

寄雲南魏制軍光燾李中丞經羲

四月三十日

鐵路須藉電線通靈消息既已造路而不准其設立附  
路之線恐亦萬做不到惟鐵路設線不得與他處電線  
接通所發電報亦祇爲鐵路公事之需不准帶收官商  
各報盧漢淞滬鐵路係中國自辦尙且如是如滇省由  
法人建造鐵路請設電線應請尊處照復法領事飭經  
辦洋人先將鐵路所設之線不與他處電線接通並不  
帶收官商各報等情令其具結存案至礦廠如無鐵路  
之處諒亦無需設線儻須設立與我電局線路相隔不

遠將來可得養線之費卽由電局自行接線免失權利  
除咨外務部立案外乞酌奪

江督劉峴帥來電

五月初十日

招商輪迭次夾私幾至無船不有恃躉船爲出路  
不服盤查四月十四江寬至安慶停輪緝私弁勇  
查獲裝鹽蒲包篋箱躉船委員史倅有喉眾閉艙  
奪鹽拋水剝奪衣杆毆傷四勇之案皖局凌道以  
阻撓緝務稟懇電請查辦應如何約束輪躉各船  
不准夾私抗拒之處請公分別查禁賜復爲禱

寄劉峴帥

五月初十日

前據安慶躉船委員史悠祺稟稱大通武弁每逢深夜帶勇上船將銀土各箱件任意竄損且當搭客眾多假公扒竊屢向婉諭反而恃強等語今凌道以該員阻撓緝務稟請查辦自當派員接替密查並飭總局嚴定章程約束查禁俟議妥另咨

北京王中堂來電

六月十三日

索還天津稍有要約無甚關係已有成議於禮拜內交收本日袁奏直振獎案附片聲明盛王均不敢邀獎奉 旨交部議敘接袁咨後應具摺謝

恩附聞

諫電感悉風力波與德律風不同可就原有報線  
合用無礙報路可無庸另添桿線請飭酌辦如須  
添線可作罷論凱七月初十後移津商約立待江  
鄂復奏

寄袁宮保

六月十八日

加稅事已奉電 旨照議辦理宜等明日繞甯回滬但  
尙未知各國能否允洽風力波已飭京保照辦如無礙  
報路自可勿添桿線

寄美京伍大臣

七月初一日

部電除約與保票所列金數外別無照會全權之案公

應請其遵 旨暫留俾還款事就近延公法家從容商辦以期得力

外務部來電 八月十八日

元電當經照會俄使准復稱第三款字樣已見原約足見並無更改之據現擬請本國訓條將盛大臣之語注意並將第三款改爲此跌減細數應於倫敦公會後由中俄兩國商定等語查貴處庚電東北兩公司借紙合同有應候兩國回電定議又必須兩公司同日畫押再請部同日核准並須約定兩國將京沽線同日交還各等語現俄國照約

應於九月初間交還關外鐵路俄使意在與電線  
事同日辦結希將線事迅速定議切勿因此致誤  
交路之期爲要

寄長沙黃花農廉訪

九月十四日

陽電欲辦武官死罪是援四川成案馬凱回國滬領事  
無權香帥與漢口領事甚聯絡若請香帥說項必可鬆  
動或辦斬監候可了結常德開埠日本所索已拒之

寄濟南周中丞馥

九月二十日

前捐惠民振銀二千費神甚感謝牧來電該處災重極  
苦現因家嚴病危立願再捐八千兩請尊處遴派妥員

或仍派謝牧加振極貧以二兩濟一人能活四千人如  
邀天佑不欲人知如竟不效可否懇求併成一萬推情  
專奏儻蒙 天恩照千兩建坊之例優加體面感德非  
淺如何匯交候示遵單令事已照來電託辦

寄京外務部

九月二十二日

英約內河輪船一條勉力將所允要端改入章程因條  
約永遠難刪章程可隨時更改如時局日好不難收轉  
權利然要在華商能自辦耳空言無濟莫如實做現已  
招集華商創設內河輪船招商局先購淺水輪船五號  
在江浙等處試辦已派同知朱馮壽等爲總董俟試辦

有效再行會同奏咨以期推廣請代奏

寄順德袁宮保

九月二十九日

新甯去世商約得公主持大局之幸美日兩約未竣連英約全案當抄送隨員與議者只劉京卿宇泰黃臬司建筦楊道文駿及稅務司裴式楷賀璧理戴樂爾此外司筆墨者皆不盡了然容與鏡翁商酌再告公回任若由信陽漢口至滬航海赴津較迅速舒服商路諸務藉獻芻蕘盼切示復

北京外務部來電

九月二十九日

奉 旨現在各處開辦鐵路關係重大所有盧漢

粵漢鐵路總公司及淞滬鐵路籌款購地買料修  
工事宜仍着盛宣懷一手經理其鐵路經過地方  
兵政稅項利權一切政事着南北洋大臣湖廣兩  
廣總督督辦各專責成隨時妥籌辦理欽此

彰德袁宮保世凱來電

十月初一日

豔電感悉此次本擬回經鄂甯滬莫老伯弔忠誠  
識南皮臨行時已令海軍各船南行候調但恐沿  
途繫維有誤假期姑俟抵籍後探確道路再定局  
信陽路能達汝甯許州否盼示凱准廿一日由籍  
起程冬月初五前必須抵津

寄武昌張宮保

十月初一日

頃奉電 旨盧漢粵漢鐵路總公司及淞滬鐵路籌款  
購地買料修工事宜仍着盛宣懷一手經理等因跪誦  
之下悚惶感涕伏念宣懷痛遭大故方寸昏迷鐵路總  
公司關係交涉稍一疏忽貽誤匪輕就令勉力支撐精  
神既慮不及問心尤覺難安惟有仍乞據情代奏籲懇  
天恩迅賜派員接辦無任急切待命之至

護直督吳方伯重熹來電

十月初八日

西陵鐵路須在高碑店速開岔道限期緊迫請電  
飭貴路工程司迅與詹天佑接洽妥商以重欽工

寄津護督帥吳方伯

十月初九日

高碑店須速開岔道遵已電飭柯道鴻年鄭道清濂孫道鍾祥轉飭比工程司迅速與王道仁寶及詹工程司妥商照辦不准延誤乞電王道等速與柯道等商辦

寄開封袁宮保

十月二十日

銑巧電感悉已派鄭道孝胥魏道瀚廿四至長台迎接沈道能虎施道肇英預備快利淺水江船專雇領港在漢迎接又電請端午帥代作主人陪公閱視鐵廠總辦李維格赴日本已令會辦宗得福伺候務求破半日工夫往觀大略中國只此鐵廠頗關兵政到滬亦當面求

維持之法保守礦地各件沈道呈到乞細閱須面商

寄濟南周玉帥

十一月二十三日

電如歸官李文忠曾慮有事必被佔若如庚子何能通  
電日來華商惶急因電票本值一百六七十恐官不付  
現款或短付票值則從此不能招股商辦利讓外人袁  
初爲商務大臣公謂勿失商民心此事極有關係弟避  
嫌不能開口公在局外尙可發公論免被他人淆惑勿  
提弟言

寄津袁宮保

十一月二十四日

擺脫庶事承公尙有厚期非真同志安能出此良言感

何可喻輪電人所注意去之甚易厥事無人注意甚或  
視爲畏途所盼成全示我長策耳

津袁宮保來電

十二月朔

昨有英人來告接滬電謂尊處以電股押借俄債  
云當駁以必無此事英人執以爲確此謠似累高  
賢請公留意

寄津袁宮保

十二月初二日

銀行股票押款事所常有道勝前押十萬付萍礦急用  
將已到期現因票價頓跌已來催贖況執有該行限期  
收贖憑據斷無他慮請釋盡懷匯豐亦有別項押款英

人向懷猜忌曾與公面談因接濟鐵紗兩廠羅掘淨盡  
將爲窮人殆卽指此

津袁宮保來電

十二月初八日

冬電窮人一語毋乃太過鐵廠事必須設法維持  
南洋電稱電票大跌慮有洋人收買云查電票定  
章只許華人授受請公刊報申明舊章洋人收執  
便作廢紙

寄津袁宮保

十一月三十日

香帥持論不以官收爲然通國皆知近日眾商頌南皮  
而尤我二人然各省分辦尊意然否鄙見無論官辦商

辦仍歸北洋主持屆時宜必言之

寄甯張宮保 十二月初十日

上海公學屬於南洋本係會同劉忠誠奏設何嗣焜歿後總理一席迄未得人而基礎已立經費有定亦已煞費經營將來聽其廢弛未免可惜現以總理得人爲第一要着陳伯潛閣學養望多年足爲多士矜式與公至契務望切電敦請候有復電卽請鈞處挈名備就咨函由敝處專送幣聘燈節前到滬以便開學修金原定月二百兩或須酌增請卓裁學堂並有總理住宅甚寬請並達

南京張宮保來電

光緒二十九年正月初六日

尊意先借通商銀行款緩借洋款以免外人執權  
慮患甚遠請卽照辦惟此事與南洋不涉本係尊  
處專責儘可專奏鄙人現不在鄂且鐵廠辦法歷  
年鄙人皆不與聞未便會銜致慰帥電亦祇可云  
鄙意謂然不必由敝處出名會電好在慰帥擔認  
在先宮樞前已經陳明奏入無慮不准

寄京慶親王

正月十三日

聞西苑電燈須重製擬報効銀三萬兩卽求轉發所司  
趕造并懇代奏不敢仰邀獎敘又聞御用小輪船花

車均須月備請派員將輪船水深若干花車軌寬若干  
開單諭令姚麋韶寄滬卽行繪圖進呈敬謹照辦

寄東撫周玉帥

正月二十一日

去秋承囑早派礦師來東以便派員引導請示何處有  
佳礦尙可爲中國自行購地或得租價或以地作股者  
此美礦師本領十足在湘勘得好礦惜俞帥去任如尊  
處要調用只須認每月薪水川資勘完仍可還公司將  
來礦中利益均歸本省尊意如何速復

江督張宮保來電

正月二十五日

承示甯滬鐵路奏稿甚妥惟於易稿六七次句下

酌改數語如下間有持論未妥者臣宣懷復屬璧理南携稿來甯經臣之洞復加考核凡可以取益防損保持中國利權之處派員與之接款磋商分別駁改增刪幸皆妥商就範計訂詳細合同云云璧理南係閣下令其來甯非鄙人約其來也已於稿上照改書奏咨送蘇撫會核請俟接到後卽繕發並盼電復

寄張宮保

正月二十五日

璧利南赴甯已承照改書奏遵俟蘇撫會核咨到卽繕發惟接藝帥來咨以軌道前經委員測勘經過州縣有

無窒礙之處未據委員會同地方官稟報無憑查考可否請卽飭原勘委員潘道學祖赴蘇面稟一切以免稽延

寄京外部呈榮中堂王中堂

二月初十日

萍鄉至湘潭鐵路德國以萍礦有德商借款美國以粵漢枝路相連去年德美使均赴部爭而運煤尤難擔擱萍至醴已由總公司墊款造成醴至潭因無款暫停今美德又以爲請不得已擬移銀行商本仍歸自造藉免爭端以保煤礦而興鐵政關係甚鉅伏乞中堂俯念東南止此一礦迅賜主持定議保全煤礦隨後再議推廣

新廠方有把握

寄湖北端午橋制軍 二月十一日

江夏馬鞍山煤礦係機器開採附近不准穿鑿土窿曾  
由縣封禁有案去冬有自稱副將倪炳光知縣胡承業  
假冒張官保八少君仁榮函片到山拜會即在附近五  
里內楊家店地方自開土窿多口礦局保甲局婉言勸  
止陡於初十日聚眾百餘人鞭撻保正辱詈哨官並出  
賞格訪拿官局窿頭勢極跋扈該礦延用德礦師開深  
直井甫有進步設任招搖聚眾深慮釀成搶毀重案且  
山礦駐有洋人尤爲可慮務懇飛飭營縣查拿封禁並

究託名聚眾之人設法懲治至紉公誼祈惠復

寄西安升吉甫中丞

二月十六日

去年外務部復奏奉 旨設立勘礦總局先派礦師勘  
查各省礦產免爲外人攘奪現據鄖陽勘礦委員湖北  
試用巡檢史悠政電稟鄖陽交界之興安府洵陽縣屬  
有銅苗甚旺已往採取彙解請電咨前來查現今勘礦  
以銅爲最要洵陽縣與鄂交界處所旣見銅苗已派人  
往取乞飛飭該縣彈壓保護實爲公便

北京袁宮保來電

三月初三日

面奉 旨辰刻啟鑾已刻開車高碑店進膳公接

駕事周折甚多蒙准在保定冠頂迎駕請安仁和  
力言不可進京餘俟面罄並先詳告孫道等公丁  
憂甫過百日似有忌諱也

太原吳護院廷斌來電

三月初五日

正太本盧漢支路軌徑寬狹必須與京榆盧漢相  
同方能一氣貫注轉輸利便如於此時冀圖省事  
省費遷就窄軌將來轉運窒礙必致費事費財徒  
多周折斌意亦早與尊意相符至僅由晉派員勘  
路實有爲難者數端現固關娘子關二路洋工師  
究由何路尙未擇定不便者一東天門以西數百

里山嶺山河互相間錯曲折回環高下懸絕測量  
不易不便者二晉中向無熟悉鐵路之員如何鑿  
山建橋如何繞避田廬墳墓商路如何逢灣取直  
均未諳悉不便者三冒昧查勘勞商無補應請鈞  
處派熟悉鐵路人員並帶同銀行洋員來晉細勘  
晉當派員會勘並妥爲照料庶期一舉成功不致  
輾轉勞費敬乞鈞裁

寄滬呂大臣海寰伍大臣廷芳

三月十二日

昨奉隨辦商約之命已具辭摺政府堅阻擬俟香帥到  
京再定如不獲命須趁袁張在都與外務部三面預商

宗旨美日新款及近議各端除已達外務部可取閱外  
餘請速抄寄並將尊擬辦法詳細函示以便逐條面詢  
機宜回滬與公酌辦較省周折

上海吳大臣重熹來電

三月十四日

據港局溫道元電稱陳道到港已會同傳集股商  
及各代理人剴切曉諭均皆悅服並無異言照舊  
附股聽候憲定章程遵辦等因謹奉聞

上海呂大臣海寰伍大臣廷芳來電

三月十八日

商約幸藉長才實償夙願已將美日新送約款及  
辯論詳情即日函寄務望切商外務部及兩帥妥

籌善策並盼公竣早旋會議於約事最有裨益

黃村袁宮保來電

三月二十一日  
姜軍門

並致胡侍郎

三公蒙 恩賞福字袍料杏芸二公並交部優議  
謝 恩摺已由蓮府代辦請三公明早八鐘前到  
苑謝 恩勿誤

開封張安帥人駿來電

三月二十五日

尊意安陽水田照直隸按契發價辦法以歸劃一  
甚佩惟民間不肯呈驗契照者蓋恐遺失鄙意令  
民間交地方官轉呈如有遺失由地方官補給則  
民間自樂於呈驗而購地委員亦省許多饒舌尊

意當以爲然並質之慰帥何如

寄滬道袁海觀觀察

四月初十日

德外部行文戶部數語極好已請部電詢廕使俄法允  
税金不及英允十年還銀各使堅執給分票後再議通  
融惟不參活筆更無辦法

寄太原吳中丞廷斌

四月十三日

華俄銀行稟用窄軌則繁盛市場緊要礦口均可開到  
若寬軌則須專擇合宜地勢不易任便逕達等語可見  
晉路尙有可用寬軌之處該行代雇工程司出月可到  
卽須派員會勘究竟固關娘子關西路何路寬平此須

我處酌定彼不肯兩路並勘前電彼此似有誤會弟月  
內出京請遴派熟悉輿地妥員迅速來京面詢兩路情  
形及產礦處所當與外務部商定盼復

寄江甯魏午莊制軍

四月十五日

真電面交部閱同深敬佩廕使復電如何請電示俄事  
只賴牽制項城以營口商埠亦未交還可見通商無益  
且看美如何回答銀元機器難移已代達想各省皆願  
分鑄南皮十八入都

寄滬袁道台

五月十一日

讀庚電忠義之氣躍然紙上敬佩無似弟久病不能赴

園與政府周旋看來誠不免推到外邊此亦意度耳弟  
十一坐新裕回滬所患係痰飲舊恙並非時症望切託  
稅務司告知驗病洋人俾免留難感甚禱甚

北京張香帥來電

五月十八日

並致呂伍大臣

昨奉 旨商約在京會議外務部電想已達覽此  
事彼此電商動稽時日自不如在京會議隨時可  
請外務部裁決袁慰帥近在咫尺電商又易惟不  
知各國議約專使願否然各公使皆在京於彼自  
相商度亦較便美約雖已議有端緒而如條款中  
關繫緊要處應斟酌者尙多到京後互商妥協方

可定議兩公何日北上祈示速來爲盼仍希電復

寄天津袁宮保

閏五月十五日

頃據沙多函稱加利佛郎古一案津法領事查無實據亦無原告稟控已斷兩洋人並無不合之處津關道亦謂即可了案乃聞加利將反控公司無故撤差並索賠款如盧漢公司被告不直沙多不願出場等語乞卽飭關道速與法領事切實辯駁詳示情形總以得直爲安

寄汴撫張安圃中丞人駿

閏五月二十九日

遵查各節據總工程司沙多稟復塞羅子在陘山一帶查探煤礦情形係爲將來行車轉運起見並非開採又

聞陘山一帶產石極多爲路工所必需塞羅子前往查探亦未議及築造支路凡緊要工程向皆稟明督辦大臣核准方能舉行況開礦築造支路如此重大之事豈能由塞羅子擅行辦理郾城許州皆輕聽訛傳上稟等語至漢局七段添購地畝據查實爲創設車站貨棧所用並非假冒該處地戶或因靳委員已赴遂平藉詞不肯立據等語仍乞轉飭郾城縣吳令照漯河所添劃地面約八十餘畝傳集各地戶領價繳契照原議辦理感甚

寄鄂督端午帥

六月初二日

李郎中已奏派出洋購辦大冶新廠機器香帥近又  
派辦太平新機器恐到局需時仍派宗令得福代最好  
寄開封陳小石中丞夔龍

七月十九日

和尚橋西採石事照尊電飭沙多持平給價頃據沙稟  
接工程處電禹州牧堅持非五千文一方不售致停工  
八日橋工不能開辦等語查爭價停工喫虧太鉅懇飭  
禹州迅先放行彼此記數應給何價方爲平允請轉飭  
林守卽刻馳往商定並祈賜復

山東周玉山中丞馥來電

七月十九日

奉霰電極感利津南岸漫決被災固重上游費縣

平陰范縣東阿等處臨黃民埵沖決殆盡隄內各  
村莊倒塌房屋漂沒資糧甚多且有淹斃人口之  
事運河一帶河湖相連被災亦重東平州被淹四  
五百村烟台火災傷人尤多他如樂安陽穀壽張  
濮州次之雖經擇尤散放急振無如災廣款絀不  
敷分布轉瞬嚴寒冬春兩撫爲日甚長而振捐來  
源極少焦急萬分望公與嚴佑翁廣爲勸募大施  
拯救曷勝感盼

寄甯魏制軍光燾

七月二十一日

刻有電約林道賀峒來滬一行乞俯准速催起程尊論

銷場稅事應預擬兩種辦法以期可分可合萬分敬佩  
遵俟俞道來滬詳酌仍當隨時請示美約因有奉天安  
東開口岸事須八月十八俄兵撤退之期方能畫押約  
稿擬密寄尊覽

湖北端午橋制軍來電

七月二十三日

昨與司道談及始知林訪西與香帥在粵決裂不  
能見面派委漢局總辦香帥回任必致柄鑿於路  
局林道均不相宜如尊處實無人錢道紹楨現適  
回省請照前函派錢道接辦何如祈酌復

寄武昌端午帥

七月二十三日

訪西與香帥不洽微公言不知承允派錢道接辦最爲妥貼遵卽會銜札委今晚寄鄂如不須赴宜交代請卽令來滬一行此差我二人如此慎重亦可見人才之難

寄浙撫翁小山中丞曾桂

八月初四日

藹滄閱尊電感極周玉帥電因山東災重屬弟勸捐浙省能否設法酌湊聞同鄉潘道民表到杭玉帥欲調潘回東放振乞傳諭該道速來滬

北京外務部來電

八月初五日

汴洛合同所添郵政各節可照准

寄北京張宮保

八月十四日

元一二電悉條約附件均已清稿已約日使明日先對  
漢文北京撤兵後通商居然辦到有此約款藉以破開  
永遠駐兵之議所謂妙手偶得之也權量畫一本當整  
頓初爲忠誠公所格加入正可與國幣同辦欽服之至  
此事完畢公約何日出京

寄軍機處商部

九月初二日

近來新政舉行人才難得宣懷一無所能惟於用人之  
道素尙講求然分門別類雖造就各有專長儻非駕輕  
就熟亦難得人而理卽如鐵路局員鄭孝胥魏瀚楊樞  
黃開甲等均蒙月派要差一時收集殊屬非易將來商

愚齋存彙

卷九十七

補遺七十四

三

思補樓藏版

務如果需才宣懷平日留心陶淑意中尙有數人如荷垂詢當可擇尤保送數員聽候選錄

寄粵督岑雲帥

九月十一日

粵省辦理學務溫道似可勝任去年大學堂來調因正在議約未及遣往此外尙有候選知府伍光建中西學問與嚴復相等而精力過之現在張燕謀處頗想離開公似可羅致

寄京吏部張尙書百熙

九月十七日

加銜承齒及顏汗俄日交通後患更甚如何辦法深切杞憂美國能否調處袁張有無良策乞密示

寄京外務部 九月二十五日

美日商約今日已派楊文駿賫奏來京德國聞派克納  
貝充商約使臣約兩月來滬現無事宜懷卽日奉故父  
靈柩回常州原籍安葬事畢卽回上海差次謹奉聞

寄京張治秋尙書 九月二十八日

聞日本已與俄使商議六次現因日皇閱操暫停議有  
商人十八由瀋來稱俄兵在省城不多市廛不驚但似  
爲久計云加銜候部行知方能具摺謝 恩文何日發  
乞查示

寄外務部顧侍郎肇新 十月初一日

愚齋存稿

卷九十七

補遺十四

三

思補樓藏版

草合同已補寄其詳已敘入咨內彼買我礦石如得預  
支礦價此係商礦自己籌款爲國家興利便益無過於  
此惟恐南皮別存意見失機可惜彼去年電稱鐵廠事  
不過問由我做主此次合同斷無流弊然終屬外人交  
涉自應請大部主持迅速核復以免日本變卦請密達  
邸堂鐵政之幸

寄武昌端午帥

十一月初七日

治事函牘諒邀鑒嗣奉外務部江電昨日詳復並電尊  
處及南皮宮保矣年運七萬噸及官商界限均已遵辦  
務求關念鐵政成敗所繫早賜核復電示俟外部復到

卽訂期簽定至深感盼該廠如何辦法容俟開春到鄂面商總期款不虛糜工歸實際

北京楊道文駿來電 十一月初八日

朔江電蒙關切至感項城外面雖要好中不得知畫諾再遞自是正辦摺繕竣初五卽往津東事增函謂俄懼於日有意轉圜而欲賣情於我別索利益增已拒之日散議院以力攻政府故聞俄復日書不滿日意日再駁復習以兵力尙不知若何

寄京外務部電 十一月十五日

正太售票事道勝催復甚切並稱若欲多存上海道勝

在滬行甚願而法行不願既允回息四釐半實亦無甚  
分別云乞速核示

寄甯魏鄂端閻李粵岑川錫滇丁各制軍

十一月二十八日

有人密交俄復日本五款一日在韓境原有利益照舊  
一日在韓境之南可以爲所欲爲一韓之內地不阻止  
日本商務惟不得在韓之南固守礮台一鴨綠江圖們  
江五十奇羅內作爲局外地日俄均不得築守礮台一  
東三省事日不得商議惟日本所有商務利益可以照  
舊並告各國凡條約所有利益亦照舊云似此俄於東  
三省爲所欲爲必矣聞日本尙未允給乞密察

雲南丁巡卿制軍振鐸來電 十二月初一日

俄復日各款東三省事日不得議而於各國所有  
利益俄經擅許其蔑視中國爲所欲爲已自顯然  
日本作何應付中國處此究應如何仍懇隨時電  
示

寄京袁慰庭宮保 十二月初二日

黃河橋事咨函想已達覽尊意如何極盼詳示杏城談  
及津鎮合同已經議妥行車事尤爲加意深佩盡籌粵  
漢正想設法補救請將津鎮合同迅速錄寄一分俾資  
參酌如果尙未畫押乞將行車一款先行錄示決不漏

洩

天津袁宮保世凱來電 十二月初三日

黃河橋事已飭津榆路局考核大約無不可行津鎮合同草稿容飭錄呈卽寄

北京楊道文駿來電 十二月十七日

約本咨文已收到分送訖請告星翁昨晤伍憲云  
法出調停或可轉圜香帥聞十九出京在南皮度  
歲

又 十二月十九日

伍憲云俄復日書措詞雖婉而仍不認東省爲中

國自主法係暗中調停聞英早亦有函勸俄皇並  
聞俄皇不願主戰特其人平和俄大臣得主持大  
半謹聞請告呂憲

寄北京陸伯夔侍郎 十二月十二日

專函計覽所敘之事附片爲宜俄日相逼甚緊如有戰  
事雖守局外內地勢必震動各省切須保護各國洋人  
財產生命萬不可礙及教堂致使他國藉口禍生不測  
滇桂須防法山東須防德長江西藏須防英應請飭下  
各督撫預籌防範勿任土匪稍有蠢動宜敘正摺乃不  
着跡

湖北端午帥來電

十二月二十三日

俄日開戰在即尊意保護洋人戢靖內匪最爲要  
着做處已密飭文武注意此事但戰事一開勢將  
掣動全局中國今日情事安能支乎

北京楊道文駿來電

十二月二十三日

聞曰俄昨已撤使我則一籌莫展奈何香帥昨始  
出京

又

十二月二十四日

西幸都下初亦有此謠傳確探並無此事聞有人  
已在上力爲解說惟 宵旰焦憂殊不能已京直

目下尙爲靜謐不知戰後如何南中何似亦乞示  
悉

武昌端午帥來電

光緒三十年正月十八日

筱園交到奏稿一件盡慮周密甚佩此事我無終  
守局外之理鄙見與尊見略同已一面電達魏午  
帥一面將尊稿函寄南京請其削正後會尊銜及  
敝銜作速繕發矣

開封陳中丞夔龍來電

正月二十一日

廿電示悉已嚴飭丁道暨衛輝府並淇汲兩縣妥  
爲保護矣前商會試公車搭車至汴想已酌定開

車日期希示

南京魏午莊制軍來電

正月二十二日 尚書

並致呂

袁道辦理交涉深資臂助值茲多事之秋正臣子  
圖報之日不獨做處未便允其所請在該道亦不  
應乞退比卽批留尙祈兩公有以勉之禱甚

寄開封陳中丞夔龍

正月二十三日

簡電甚感會試開專車漢口已定二月初三起三月初  
三止逢三八開行沙多又稟接薛馬電淇汲鄉民聚集  
五六百人均有洋槍樸刀聲言阻截鐵路公司來往信  
件並不准華洋人員逃出界外又各處揭帖稱每家各

抽一丁與洋人決戰等語似此甚屬危急請電尊處設法解散並保護前來洋人雖未免聲張但必事出有因乞速電飭地方查明實在情形一面解散一面保護免釀事端感切

開封陳中丞夔龍來電

正月二十四日

昨接丁道兩電濬淇汲各縣購地民間欲照福公  
司例價不免稍滋異議幸已勸導竣事現因石方  
沙方未定議工司卽行取用民間因而阻攔已由  
該道與工司商辦並將濬境滋事之犯拏獲究辦  
事已平息等語正飭丁道徑電尊處頃接濬電復

嚴飭地方官妥爲解散保護並派營勇馳往彈壓  
矣

山東周玉山中丞馥來電

二月初五日

振捐部照各處紛紛請領而總局津局均無餘贖  
輒無以應屢電部續發部以已發過八萬餘張請  
獎者僅萬餘張不允再發年前電懇再發一萬張  
僅允開印後酌發現在尙未領出究不知能發若  
千一俟領到卽行勻寄不誤明知停捐待照勸辦  
匪易無如部中掣肘焦急萬分尊處捐事旣旺請  
仍先填實收如不敷用望電示飭局再寄諸祈見

諒

寄江甯魏午帥武昌端午帥廣州岑雲帥 二月十一日

接京密電探悉會摺留中

禮聖頗以爲然耶以附

件之人年輕未克當此曾商外部俟戰事稍有眉目再  
議謹密聞

寄開封陳中丞夔龍 二月十四日

前據總工程司沙多稟稱自沁河口至黃河北岸橋址  
所有各壩坍塌甚多如不速修恐生奇險路局當拓長  
橋身以避之該工司又將河壩坍塌情形繪圖說帖呈  
閱按其所陳各壩歷年坍塌實與橋工無涉若將橋身

拓長路局儘可置而不問等語弟諭以鐵路河防均係國事當通籌大局勿分畛域該工司又以鐵路購辦石料爲難若由台端飭屬自備石料四千方弟當卽飭路局籌款代修沁河口各壩時令已迫請先電復以便將圖說咨送察核

蘇州恩藝棠中丞壽來電

二月十四日 吳侍郎

並致日尙書

日俄開戰之地華民被難方虞救護艱難得諸善長創議合在滬中外官商舉辦上海萬國紅十字會實爲難遵之機緣經外務部商明承認已在營口開辦俾被難華民獲登衽席造福無量頂祝深之俟奉到捐冊必竭

盡心力之所能至廣爲勸集用副雅望並誌同心

汴撫陳小石中丞來電

二月十五日

奉翰電適河北道在省當持電與商據稱北河壩  
係多年廢工離堤尙遠與河防無涉鄙意將來修  
橋建壩河心鐵樁林立逼溜轉徙無定恐堤病而  
橋亦病沙工程司擬拓長橋身以避之確是正辦  
如路局爲慎重橋工起見將沿堤擇要修理以固  
壩基則路工河防事本相連敝處當協助石料二  
千方候工司取用河工經費支絀石方採買艱難  
當荷鑒原也

寄北京外務部

二月十五日

法國稅則因該領事巨額達催畫已於十四日下午會同畫押瑞典那威亦經同時會畫均訂於自畫押日起開辦其丹國稅則定於三月二十日開辦一俟葡國稅則訂定後再行彙奏進呈先此奉聞

外務部來電

二月十五日

卅電計達晉省自設鍊鐵廠一節哲美森既允商量現在曾否議妥其餘各條已否按照本部有電商定希速電復

四川將軍蘇瞻德總督錫良等來電

二月十六日

元悉諸公苦心籌維救民水火欽佩曷勝公商籌銀一萬兩以應急需但愧菲耳

浙撫聶中丞來電

二月十六日

紅十字義舉獨吾華不與上冬曾與程道恩培談及本屬缺憾此次尤萬不可緩公等鼎力提倡仁風廣被造福無涯捐款敝處業經籌畫由弟捐銀一千兩以爲之倡因無眉目尙未電達儻需急用請先代墊一萬兩以應急需准一月內籌足匯滬天津袁宮保來電

二月十七日

奏函均誦悉甚佩查晉代於孟津曾造河橋上游

建橋當不致全河受病沁水當黃河盛漲頂托不能宣洩壅潰入丹灌運達津時或有之非因建橋始有此患上游溜急非大寒之年不封故冬令驛路改渡孟津與下游凌汎不同惟滎武一帶形勢南強北弱宜慎防北岸以顧鐵路計河面寬約五里溜勢趨向無常難收束衝之效至將河心加寬二百尺係指建橋處而言上下游寬窄不同恐生流弊似應整齊一律較爲穩妥乞裁奪

北京外務部商部來電

二月十八日  
書吳侍郎

並致呂尙

諫電計達十字會事准駐日楊大臣電稱頃與小

村再商據稱該會設在戰場外附近地方尙可商量現已電詢小田切俟復到再請大本營核定等語希與小田切妥商電復

寄開封陳中丞夔龍

二月十九日

據沙多稟稱石壩工程必須請飭河北道會商總管工客臘威方能興辦前電賽馬係筆誤石方當在大汛前辦齊運交何處亦請飭河北道與客臘威商定等語茲已轉飭客臘威馳赴黃河與河北道商辦卽祈轉行

汴撫陳小石中丞來電

二月二十日

豫省近頗缺雨臨穎適有刁徒造謠惑眾因求免

煙酒等稅闖入縣署攫取什物經韓鎮本立許州  
牧潤芳馳往彈壓業已解散一面飭拏爲首滋事  
之犯務獲懲辦惟值許州一帶舉子雲集鐵路尤  
關緊要已飭韓鎮帶隊常川梭巡會同沿途州縣  
認真防範北岸未聞滋事仍飭查明隨時保護請  
告沙多釋念至韓道國鈞與福公司所議道口至  
甯郭驛枝路章程有限滿悉數報効之語已分咨  
外務部路礦總局有案容再鈔寄

寄開封陳中丞夔龍

二月二十四日

轉瞬士子出闈擬仍派專車分南北兩路候送但由省

至許至磁驛車約須幾日人數約有若干應如何分期派車之處乞酌定電示以便飭局預備

武昌張宮保來電

二月二十六日

漾電承注感謝前讀函示黃河橋工復奏會稿本擬卽行書奏寄繳因昨據錢道面稱阻水阻冰一節尚可無慮惟黃河橋工所下樁柱四座內有兩座已墮陷尺餘伊所目覩因思甫經立柱數月間卽已下陷是明係浮沙過深打樁時尙未深入老土若照此情形橋成後設或各柱俱往下陷或各柱有陷有不陷高低參差全橋亦必廢壞將何辭

以對朝野是以重費躊躇務請速飭沙多切實再勘橋柱所以下陷之故是否沙深未及老土妥籌補救之法必須全工一律堅固穩實確有把握方可入告此時甯復奏稍遲不可不於此工再加審慎也沙多所見何如仍祈電示

寄江督魏午帥

三月初八日

精使已赴蘇浙俟來滬面議後再會呂使咨復大致與公意見相同先辦銀圓銅圓子母相生務歸一律至於金位弟另有所見屆時必先鈔呈鈞覽尊處復件亦祈賜教

蕪湖張香濤宮保來電

三月十五日

聞張道贊宸言距醴陵數十里距涿州亦數十里  
有地寬廣可以建廠李維格議設化鐵鑪於此地  
名記憶不清該處是否醴陵所屬距水口遠近如  
何祈速電示如有圖說卽日寄蕪湖或金陵尤盼  
寄江甯黃方伯建筦

三月十九日

廠移湘東妙在地深奧而水陸運便不僅煤鐵相連端  
午帥創議另建六省籌款香帥慮事權不一鄙見財力  
艱窘應併力專設一大廠滬稅撥款不足助以六省預  
支槍價則可速成若以灣址無慮危險湘東亦何必另

設香帥電索圖說今晚寄上請代呈

寄江甯魏午帥張香帥

三月二十日

商約大臣呂會

頃小田切面稱九連城之役日軍雖大捷傷亡幾及千人臨難不避深堪嘉憫擬請貴國官商公議撫卹傷亡家眷豈特存亡共感抑亦士氣百倍此事志在救濟與中立之例無妨儻礙難明辦卽乞密辦已電商尊處等語竊思明辦實有窒礙但彼既有此請似難漠視若勸各省官商協助亦恐招搖滬上紅十字會捐款係中西合辦又難提撥尊處如何畲復卽乞電示鄙見只可密約數省合籌一款交小田切轉送彼國附湊撫綏以昭

睦誼並囑不登報紙是否請酌

寄江甯黃方伯轉呈魏午帥張香帥

三月二十二日

頃張道贊宸電稟端帥云趙次帥擬籌百萬合辦槍廠  
議在涿口建造宸查涿口在洙洲上游三十里屬醴陵  
濱湘江粵漢幹路必由之地似太顯露不如湘東遠甚  
等語枝路詳圖已寄黃方伯轉呈矣

寄武昌張制帥端撫帥

三月二十六日

呂大臣會電

會議銀價大臣精琪聞已抵鄂由鄂赴甯不日來滬查  
精琪條陳雖多可採惟事由正司泉官主持深恐財政  
主權不免爲外人所奪尊處會議宗旨如何祈速電示

以期接洽

濟南周撫帥馥來電

四月初一日

並致呂大臣

恤日死事家屬係商民之事與國家無涉尤不  
便動公款現據煙台報稱日兵到安東待華民寬  
厚且免稅一月人皆感激請公代華商墊銀三千  
至多五千弟即由商捐內撥還望祕勿露

寄北京外務部

四月初四日

滬日領小田切電稱漢口稅司因未奉總稅務司訓條  
不准礦石出口查貴宮保前奉外務部電開稅司呈擬  
辦法生鐵並各類礦產運往日俄境內不往戰地即給

准單等語漢關辦法不合可否請貴處電咨外務部轉飭漢關照允出口爲盼等因前奉大部鹽電生鐵即可照辦已飭放行漢廠所售礦石卽是總稅司呈擬之生鐵並各類礦產自應准放乞速飭漢關照議辦理以免漢廠虛擱礦本

廣州岑督帥春煊張撫帥人駿來電

四月初五日

勘電甚願遵辦惟華官辦事斷難機密俄人固難責備然可迫我仿行恐致應接不暇弟等之見不如由官撥款各令本省紳商出名光明正大俄人轉無可說卓見如謂然請轉商各省何如

天津袁慰庭宮保來電

四月十三日

並致呂吳

懿頒內帑指辦十字會重在治傷陣亡救難滙董  
籌辦此會兩戰國尚未許現辦只救濟名實未符  
如遽領款礙難開支恐滋口實愚見今宜先請外  
部商請日俄認許再領款開辦如終不允請部代  
奏情形移作救難較為穩慎如此時擬具謝恩  
摺似宜將現辦情形聲敘以昭核實統祈裁酌

寄天津袁宮保

四月十五日

呂吳兩大臣會電

元電盡籌極是請兩戰國承認敝處已兩次電商外務  
部未得確復尊意先請外務部商請日俄認許固屬上

策如再不允只好請部代奏情形移作救難誠爲穩慎  
至於謝恩摺內須聲敘現辦情形祈就近詢毛道慶  
蕃便知其詳一切請公主持領銜核辦爲荷

寄太原張撫帥曾敷

四月十六日

福公司堅持欲在晉省多設鐵廠弟力拒之而公使在  
外務部力請我若代彼設廠亦只能一處爲限制鄙見  
鐵礦仍以華洋合辦爲是尊意如何目前以速勘鐵山  
歸華商出名購買爲第一先着尊處前商商部無人北  
洋有一好手亦不能調若用洋人總係漏卮弟處現有  
礦師閩人張金生足堪勝任擬卽令來晉薪水每月貳

百兩由弟代付望將五屬產鐵礦處趕緊查明地名一俟張到太原卽請派一熟悉委員帶同勘驗得一礦卽經地方官定價購買其地價弟所奏辦之戶部勘礦公司均可籌付先行抵制洋人免爲所佔將來利益勘礦公司當與晉省共之志道到否乞速復

寄江甯黃方伯建筦

四月二十日

銀圓鑄七錢二如能一律亦無不可令郎已見擬派到公司以資歷鍊近日湘紳議廢美約梁使來電美政府必干預恐不喫鉅虧不止便中密告午帥

北京楊彝卿觀察來電

四月二十一日

十九奉嘯電二十持謁瞿堂呈閱奉諭云湘紳公  
電先已復過此事深知爲難能趁此挽回實賴盡  
籌旣與午帥晤商卽請就近電告午帥轉致湘紳  
因湘紳亦公電與午帥席道爲蘇省人員必是午  
帥所派至將來筆舌煩勞知所不免但能使作爲  
商務不入交涉則較易辦理一切尙望力任其難  
公家地方均受益匪淺飭卽電復並囑回滬詳達  
謹先稟聞

北京外務部商部來電

五月初七日

煤礦亦應合辦希再與哲切商將第三條福公司

獨辦煤礦一語刪去至福公司原定合同專指孟平澤潞四處並推廣至平陽府此次專條渾言山西核與原議不符仍應指出地名以清界限第四條向英國選聘下應添由督辦大臣另訂聘用合同統希分別增刪再行定議

寄武昌張宮保

五月十三日

錢道細鉞密縷行之以漸必可收效盧漢工程將竣結束後專辦行車頭緒自易清楚昨已批函慰留鈞意不聽其去仰見重視該差尙乞鼎言獎勵俾可安心沈仲禮願當鐵路差據云現辦紅十字會不能離滬

寄江甯魏午帥端午帥

五月十五日

滬甯鐵路所需會派購地監工總辦一員沈道仝堅辭不就似難勉強查潘道學祖曾經帶同工程司勘過全路較爲熟悉資勞俱深堪以調充購地監工總辦所遺管理處一席須逐日與洋董會議事件實非諳練洋務不避艱難之大員殊難勝任查有路礦總局奏調之山西道員沈敦和兼習方言堪以委派該道現辦紅十會一時不能離滬正可借資臂助如尊意以爲然卽祈電示以便由弟主稿會列台銜卽行札委該公司現請五月十七開工所有會銜告示已咨送核辦矣

寄粵岑制台張撫台

五月二十五日

常熟相國無疾而逝翁守熙孫昨亦病故身後蕭然殊堪憫惻所遺文報一差做處已派該故守之子內閣中書翁之章接辦粵省文報可否仰懇亦准札派翁之章接辦之處伊一家存歿均感

武昌張香帥來電

五月二十九日

近接湘紳公電粵漢鐵路一事尊電有會奏請派會辦之說因公舉王爵堂中丞充選查美公司合同廢約雖難辦到然購回合興公司股票則志在必辦既需購股則籌款爲先湘紳中自應舉一領

袖之人以便經營規畫有所責成擬卽會列台銜  
奏請飭派王中丞會辦湘境鐵路事宜尊意以爲  
何如祈迅賜裁復

北京外務部來電

六月初八日

總稅務司面稱滬甯路不日開工應於該路盡頭  
處地方留一適用之地以便稽征等語希照辦理  
並電復

寄外務部

六月初八日

滬甯路留地稽征是否滬蘇鎮甯四處均須留地凡商  
埠購地甚貴其地價能否海關開支乞詢示

廣州岑制軍來電

六月初七日

頃據葡領事稱接葡政府葡使電交犯一節並不阻撓惟須粵省聲明前派兵船並非恫嚇暨免死及不用刑訊各節即可交解等因現已照辦容交到奉聞

寄岑制軍

六月初八日

陽悉昨又面催白使所言相同此次路約未議並不明言免又謂我恫嚇而彼實萬分催迫矣現因路事須商擬請卽派候補知府方怡來滬一行可否乞示

開封陳中丞夔龍來電

六月初八日

福公司鐵路賣票一事前奉外部電已電由尊處  
商阻甚妥甚佩

天津袁宮保來電

六月十八日

並致呂大臣

凱承日本政府擬惠贈勲章何敢言及合意惟自  
念無功受賞實覺悚愧不安乞代達感歉之忱

武昌張宮保來電

六月十九日

並致呂大臣

東鄰厚意深可感愧事關兩國交際恐又不便堅  
辭既承垂問則就事論事汪守與梁道資勞相等  
汪已得三品銜道員官階亦與梁相埒可否改列  
勲三等又三品頂帶員外郎職銜辜湯生舉人選

用知縣劉邦驥均隨同辦事擬請給辜勲三等給  
劉勲四等請轉商此皆係實在隨同議約之員故  
不能不代達也至鄙人受之滋愧尤費躊躇未知  
慰帥與尊處是否一律兩公及慰帥如何辭法隨  
員受勲者共幾人統祈示復

寄開封陳中丞夔龍

六月二十日

皓電示料已運齊甚感法尺與工尺不符折算處尙求  
飭令趕速補齊爲數想不多免令藉口至感福公司鐵  
路日內卽派華工程司詹天佑等前往估驗並查看賬  
目擬會尊銜派韓道會同辦理俾可熟悉一切候示咨

行

鄂督張宮保來電

八月十三日

並致呂大臣

前准六月宥電以小田切復稱辜劉補贈寶星應由內田公使核辦等語此事無關大要惟允否迄未接有回音祈查明電示前因篠電述小田切函有擬贈寶星是否合意之語意謂擬而未定彼先見商故敝處皓電有請改請補之說如有爲難儘可作爲罷論勿爲此說耽擱他處寶星爲幸

開封陳中丞夔龍來電

八月二十五日

前奉豔電知福公司賣票事已函津與哲美森切

商現據韓道稟利德催議行車章程敝處未接外部與尊處電示無從飭議不知公與哲現議如何儻能照敝處豔電所擬自可與利德妥議韓道刻擬請假南旋所有管理行車稽查帳目事宜尊處可否月派妥員經理並希示復

寄廣州岑雲階制軍張安圃中丞

九月初四日

外務部交議福公司澤道鐵路因欲挽救晉省礦權已派張金生往勘甫抵太原勘辦尙需時日一時難應粵調至深歉悵

寄蘇撫端午橋中丞

九月初八日

武陽蒙學弟與劉道樹屏各認辦四塾已交劉道指置  
餘請飭由地方官與郡紳士籌辦爲幸

寄武昌張宮保

九月十一日

卦電承垂念極感秋涼尊恙口瘡已愈甚慰姪患內外  
症兩月餘始漸愈精力大衰尙在卧榻辦事粵漢事嘯  
圃以買股爲不妥適美派一比人赴粵查工遂乘機決  
裂我先止發借票彼卽停工挾制勢必興訟勝負難料  
目前結束約須墊款數十萬將伯無助獨力難支焦慮  
殊甚萍鄉槍廠聞有變局確否商部查路帳有洋帳爲  
憑正可和盤託出借路并查萍礦想來華股公司皆在

應查之列知念附陳

寄江督端午帥

十月十一日

李一琴先已奏派總辦漢陽鐵廠兼萍冶礦務嗣經商部奏調弟仍奏准留辦廠礦以免鉅工中墮現由英德國購辦大批機器於九月十九起程約月杪到滬卽須回廠認真布置渠來稟槍礮廠事只能幫同考核機價不能任事乞公鑒之

蘇州效護撫曾來電

十月三十日

頃據長元吳三首令面陳二十九日伊富斯到來蘇州錢萬里橋總車站卽刻開工民房墳墓甚多

卑職等雖勒限催遷該民人既未領價又無章程  
遽飭遷移勢必逼成事端請速發價洋及章程以  
便趕辦等語用特轉達務乞速飭甯滬總局遵照  
辦理並飭知照總工程司格林森電飭伊富斯暫  
緩開工俟價給章定再行開辦俾免滋生事端仍  
祈電復是所切禱

寄美京梁大臣誠

十一月二十八日

張宮保會電

總公司不擔認之外請添三句云洞爲三省紳民代表  
三省數千萬紳民決定廢約斷不擔認此四百萬之小  
票請卽併告美外部並合興

萍鄉鐵大臣良來電

十二月初四日

良到萍後順赴安源煤礦一觀規模宏敞張道條  
理精密仰見台端任用得人至爲欽佩良本日起  
身回鄂承公飭備輪船火車謹先聲謝

寄美使梁大臣

十二月十五日

三省以合興已背合同雖允改良亦不相信與其遷就  
易啟齟齬何如銷廢互敦睦誼合興可營之事業甚多  
何必沾沾此路三省宗旨實難轉圜猶如美待華工政  
府雖願維持而工黨堅執美廷亦無如之何洞爲三省  
紳民代表不能抑勒輿情使不廢約正如美廷不能挽

回工黨務望婉商美廷允將合興原訂合同及續約一律註銷以昭公道

北京外務部來電

十二月二十二日

周生有案本部佳電原有擬仿英漁船案公斷之語儻以兩案輕重迥殊勢難辦到始行奏聞改由尊處督同滬道商辦以期周妥務希查照蒸電詳籌速結

寄天津袁宮保世凱

光緒三十一年正月初一日

萬象更新恭叩福祿禧宣已服闋不日北上到津再晤教

寄美京梁大臣

二月十六日

請轉合興公司現又奉 旨責成廢約此事梁大臣已於十二月廿二號照會美外部特再聲明因此張宮保聲明惠君來華斷不與議來函所云餘利憑票及派總工程司均無庸議並請知會美政府

湘撫端中丞方來電

三月初一日

並致呂吳兩

紅十字會振款湘省曾於去年三月息借商款銀一萬兩先行墊解原擬勸得捐款歸還無如湘省地瘠民貧捐事久成弩末雖經竭力督勸催收僅得銀七千餘兩致未歸墊茲因奉天俄兵初退徧

地瘡痍待振甚急只好先儘收到捐款並由湘挪  
湊共足成八千兩卽日匯解以應急需其上年墊  
解之息借商款卽作爲湘省籌助之項另行設法  
籌還聯名諸公統希致意

愚齋存稿卷第九十七